



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

§. 1. Malè aliquos dolere, si quid in honore patiantur.

urn:nbn:de:hbz:466:1-45699

CAPVT XXX.

*Superbos, Calumniatores, Detractores, & omnes iniustos atque
impios, merito infamari, & aliquando etiam utiliter
videri.*

I.



Audari non cupio, inquires, neque correptionem fugio, si peccavi. Sunt, qui differant nomen innocentis: sunt, qui crimina mihi affingant, de quibus numquam somniaui: sunt, qui, quæ optimâ mente gessi, pessima suspitione interpretentur, virtutibusque nomen imponant vitiorum. Hoc me vrit, hoc tolerare non possum; hoc, apud Deum, mihi non videor promeruisse. Ferrem, si vera dicerent: si mihi conscius essem, libenter me emendarem. Bene facere, & malè audire, hoc excedit vires meas; hoc captum meum superat. Nec enim video, quid Deus mecum velit. Quò melior sum, eò me peius tractat; vix propemodum satius sit, non esse nimis pium. Probos obrectatio & calumniæ sequuntur; felicitas audaces. Talia impatienter iactant diuinorum iudiciorum imperiti; atque idcirco etiam illa desperatissima addunt: Malo nocens esse, si perinde est, siue nocentem affligi, siue innocentem. Egroti vox est ista: medico eget. Atque imprimis multi periculose habent, qui se sanos iudicant: sic plurimi sibi videntur innocentes, qui vitij scitent. Quis scit igitur, si tibi homines maledicunt, an non tu ipsis maledixeris prius? aut si his non recordaris te maledixisse, fortasse aliorum nomen & famam sæpe aggressus es. Quid ergo mirum, si Deus permittat vnum alterumue laudes tuas contrahere, eum tu fortè decem aut viginti honestissimorum virorum honorem sis depopulatus? Aut, si linguam in frano habes, fortasse manibus, fortasse oculis peccauisti, quod merito luas. Crates certè Thebanus dicebat, non inueniri, cuius facta omnia sint, qualia esse oportet, quemadmodum etiam in malo Punico granum aliquod putridum reperitur. Quid gemis ergo, si luis? quid quiritaris, si castigaris? Quis est, qui *in verbo non offendit*? Quid ergo mirum, si lingue te flagellant? iam sentis, quo dolore alios affeceris, cum & tu eos aculeatissimis dictis flagellares. In summa, quisquis malè vivit, se ipsum infamat, aut fundamentum ponit, vt possit infamari.

De hoc Plu-
tarch. in
Apophteg.
& Diogen.
Laërt. in
Crat.
Jacob, 3. 1.

TVSAD

€ XX

Sive